

無上三天玉堂大法卷之二十三

岡八

无上玄元三天玉堂大法卷之二十三 四八

斷除尸瘵品第二十四

師曰下元生人動有災咎末世凡俗相續
死根惟尸瘵之爲禍實九蟲之傳染亦由
凡夫勞心損力傷炁淫精真既耗於本元
邪始傳於病炁故玄元憫俗有法救治然
疾勢多端染習各異屋與食亦能漸染衣
與炁易以牽纏斬絕死根庶可復還生炁
故於此品示救苦勞之法云

治屋傳法

師曰廢宅空房人跡罕到年深日遠病炁
猶存蓋其屋空室塞不通陰幽鬱結邪炁
不散患毒常存凡啓戶開門先入者受其
毒神衰者被其禍初染之際毛髮森然脊
脊寒聳此其驗也其病伏於靈府客于泥

陶八

一

丸散于四肢及其久也其病始發發則喘
嗽咯血骨肉乾枯寒熱交蒸夢魂顛倒此
屋傳之證也凡斷屋傳須住交染一月之
後便與飯投大道作急治之則十愈八九
不然則漸染既久病勢愈深去死無日雖

有神力亦無及也

治屋傳符

用新磚一片對日研生硃

之甲丁日午時埋中庭深八三尺六寸臨埋時法師步斗仗劍噴水化身

念為天罪



呪曰

叱咄鬼庭速出中庭置火萬丈掣電流鈴燒

散鬼炁斬伐妖精傳尸疰鬼聞符急走入地
 萬丈化作微塵急急如律令

鎮病人房四維八方符


用梓栢簡硃書釘八方以

三元殺鬼符熏蕩邪炁然後安靜書符之法變神步斗旋身入斗引炁書之


東方

同八


二



西方



南方




北方




艮方

岡八


三




巽方



坤方



乾方



釘符呪曰

天有真炁斗府威光破魔伏神驅逐不祥天
丁前列電光飛揚金戈鐵騎遍布穹蒼收捕
妖癘斷疰除殃汝是飛疰之鬼傳尸之殃聞
吾神呪急走他方見吾神符急走四方速去

速去汝若不去押赴魁罡急急如律令

治衣傳法

師曰夫衣傳者生人與患者同卧或因衣
天服所以熏染成疾蓋患者既死以衣裳帷
帳卧具器皿熏蒸穢炁蠱寓其間吝財之

同八

四

家或留為用貧下之家難以更易因而稔
成其禍豈不哀哉其於受病之時夜卧不
寧精神顛倒遺精夢泄盜汗寒熱凡邪炁
客于皮毛經一月不治則入于骨骼兩月
不治則邪炁已入臟腑矣邪炁之集靈府

也一月不治則散于四肢二月入骨髓邪
炁之纏魂神也經三月則病已成邪炁入
臟腑也經一月則病已見以此觀之在急
治之為上今大法中雖有法治之尤恐不
早用之而難以治効也凡治衣傳之法用
符熏治衣服隨符捲去長流水中勿顧也
病之未成則服三光炁符一月而後可安
苟病經三兩月恐難起此疾凡一月以後
須用問勞符治之

治衣傳符

握斗訣望月建迎罡誦斗
名三十六遍灌筆書符熏

煙即得平安次又符隨器物
入長流水棄之勿返顧而回



呪曰

月八

五

天符有命令入斗中鬼神驚怖蕩滅妖兇青
 龍扶左白虎右雄前導朱雀玄武後從傳疰
 飛尸滅跡除踪敢有不去罡火飛鋒入地萬
 丈碎身火鎔急急如律令


大醫集 治食傳法

師曰夫食傳之治法因與病人飲食湯藥
餘殘之物誤而食之則傳其病炁於心腹
亦能成病大抵食傳猶可治惟傳屋傳衣
則邪炁中入也深則人受之亦重不易為
力也食傳者病人未死蓋其病炁傳之未
全為可治也苟治不早久亦難治稔為大
病不可不知法用符三十六道作一沓成
煙令病者吸咽須強令吞之符盡煙盡為
度初熏時頗難良久頗便但覺咽喉痰生

當咳而吐之症多咳唾如稠涎尤佳凡受
 邪炁淺則痰少不多受邪炁深則必大嘔
 吐痰涎盈溢則病必愈既去邪不必再熏
 惟服三光符以補勞復元炁一月切忌酒
 色喜怒可保平安矣

治食傳符

用斗訣迎罡炁黃紙朱書
 三十六道作一沓熏之



呪曰

謹敕魂精台光爽靈三田安靜尸魄逃形勞
鬼遁散九炁齊并符罡急煞勞疰無侵飛疰
速去鬼疰化塵穿肢入腹掃盡妖氛真炁守
尸正炁長存急急如律令

四八

治傳尸總法

六

師曰治傳尸瘵不可不知其詳也九蟲之
中而六蟲傳其六代三蟲不傳胃蟲回蟲
寸白蟲也或五臟鍾毒而生或親眷羽染
而傳六蟲大率約一旬之中遍行四穴周

而復始三日一食食約五日一退方其作
苦百體有痛蟲之食也退則還穴醉睡一
醉五日其病乍靜也伺其退醉之際乃可
投符用藥不然蟲熟於窺伺符藥之力難
治也一蟲在身占一十二穴六蟲共七十
二穴一月之中上十日從心至頭遊四穴
中十日從心至臍遊四穴下十日從臍至
足遊四穴若投藥下符可以審此故經曰
六十日內治者十得八九百八十日內治
者十得三四過此以往未知生全凡追蟲

元真的世人或以偽術用物爲蟲以圖小
利此乃禽獸之所爲今但服紫庭符靜夜
預備油鐺明然燈燭四畔無令暗纔見活
物蟲走飛即用擒入油中煎投長流水勿
顧然十追方有一二應謂不可抗也或患
人病輕則蟲無形不可追惟夢中見人相
別辭去此其驗也凡欲求追蟲紫庭符在
本教天心法符篆門備載如追蟲節次在
相吾教天心載此後之嗣法教敬而行之
其驗如影彰形不可輕泄秘之

无上玄元三天玉堂大法卷之二十三



